

Breitspurig




Das Sujet 2023 lautet: **Breitspurig**

Das Fasnachtskomitee Liestal (FKL) hat Anfang September 2022 den Plakettenentwurf von Simon Wiesner, aus allen Teilnehmenden des Wettbewerbs ausgewählt.

Mit der wunderschönen Plakette und dem so aktuellen Sujet, gewinnt mit dem Liestaler Simon Wiesner, erneut ein Newcomer den Plakettenwettbewerb. Der auserkorene Plakettenentwurf wird mit CHF 500.- honoriert.





Das Sujet 2023 lautet: **Breitpurig**

Uf breiter Spur das isch jo klar
fahrt s Waldeburgerli dasch wunderbar
au dr Schnällzug, Bummler und Inter City Express
hän bim Durfahre vo Lieschtel nümme so vill Stress
uf 4 statt nur 3 Spurä
fahre d Züg bald durch Lieschtel durä
e luti Nacht, me ghört Bagger und Sirenä
me weiss d Gleisarbeiter sin dr Burggrabe am dehnä
au dr Kondiktör freut sich
bald chömme d Züg wieder pünktlich
und au dr Ingenieur isch froh
chann er bald uf em fertige Perron stoh
au dr Waggis mit sim Waage isch am studiere
was er das Joor Passends chönnt konstruere
am Sunntig bi dr Fahrt durchs Törli dänkt er: «Pass i ächt drdur?»
denn s Törli het immer no die glich schmal Spur
d Drummler und Pfiffer stön in Formation
marschiere im Glichschritt, das brucht Konzentration
vo Vierer- uf Einkerolonne heissts denn vor em Ihbiege in d Gass
so d Spurbreiti wächslä dass macht doch Spass
am Umzug durchs Stedtli hets Lüt chaschs ohne
die erschi Gugge muss sich dr Wäg dur d Mängi bahne
ufkoloniert uf vier Spure
marschiere sie schränkend dur die Schauluschtige dure
und goht dr Cherus denn am Ändi zueh
d Ahwohner im St edtli hän wieder ihri Rueh
die Letschte ziehts richtig Bahnhof, wie sichs ghört
Doch s Bahnhofbuffet isch leider nümme dort
schlussendlich macht d Putzkolonne ihri Tuur
und vo Fasnacht und Konfetti fehlt jedi Spur

